

Küchen/Kirchen-Kabarett mit Tischsegen (stoasteirisch)

Herrgott Sakrament
samma wirkli schou am End
mit unserm Latein
dass ma um Hüfe schrein
wal zweng Pfora sein

Jessasmaria
was kennan mia dafia
und Marantana is do kana
der auframt mit di oitn Bana
di nua moudern voa si hin

Hiatz muass was Neigs her
sonst bleibt des oite Gscher
Bei meina Ehr:
Heit is ka Lokus
fia no mehr Hokuspokus

Wär dou jammaschod
woann ma unsa Gnod
net nutz kenntn
und weita Tränen flenntn
ob mia's wul söba dirfn

Maunda und Fraun
sulln si traun
aufrecht ind'n Himml z'schaun
und kerzngrod zsammanstehn
ohne ind' Knia z'gehn

Jeda deckte Tisch
is fia d' Fisch
woann mia net zuwigreifn
und mitnand essn in sein'm Namen
dankend – Amen!

Herrgott Sakrament
sind wir wirklich schon am End
mit unserm Latein
dass wir um Hilfe schrei'n
weil zu wenig Priester sind

Jesusmaria
was können wir dafür
und Mariaundanna ist da keiner
der aufräumt mit den alten Gebeinen
die nur modern vor sich hin

Jetzt muss etwas Neues her
sonst bleibt das alte Gescher
Bei meiner Ehr
Heut ist kein Locus
für noch mehr Hokuspokus

Wär doch jammerschad
wenn wir unsre Gnad
nicht nützen könnten
und weiter Tränen flenntn
ob wir 's wohl selbst dürf'n

Männer und Frau'n
solln sich trau'n
aufrecht in den Himmel zu schau'n
und kerzengerade zusammen steh'n
ohne in die Knie zu geh'n

Jeder gedeckte Tisch
ist für die Fisch'
wenn wir nicht zugreifen
und miteinander essen in seinem Namen
dankend – Amen!